

# Aqutsisut Nalunaarutaat 2019



Katuaq – Grønlands Kulturhus, Imaneq 21,  
Postbox 1622, 3900 Nuuk, Grønland

## Aqutsisut nalunaarutaat

### Pingaarnertut aaqqissuussat

Atorfeqarfiit, kattuffiit, inuit ataasiakkaat kiisalu ingerlatsiviit suleqatigalugit, aningaasaateqarfiup Katuaq – Kalaallit Nunaata Kulturikkut Illorsua qitiutillugu, tamatigoortumik, kiffaanngissusilimmik kiisalu arlaannaannulluunniit attuumassuteqanngitsumik eqqumiitsuliornikkut nalilersuilluni, kulturikkut misigisassat takutittassavai, uummarissarlugillu inerisartassavai. Kalaallit kulturiata nittarsaannissaanut aningaasaateqarfik peqataassaaq kiisalu Kalaallit Nunaata nunarsuattalu sinnerani kulturikkut suleqateqarnissaa, aningaasaateqarfiup isumagissallugu.

### Ukiumoortumik aningaasaqarnikkut inerniliineq


2019imi Katuap 58 tkr. amigartoorutigai, 2018imi 757 tkr. sinneqartoorutigisimallugit. Aaqqissuussaniit isertitakinneruneq kiisalu cafémi ikinnerusunik niuertoqarnikuunera, aningaasaqarnikkut taamatut inerniliinermut pissutaaqataapput.

Ukiumoortumik aningaasaqarnikkut inerniliineq siulersuisunit naammagisimaarneqarpoq.


### Isertitat aningaasartuutillu

2019imi isertitat aningaasartuutillu imatut immikkoortiterneqarput:

| Isertitat agguataarneri             | 2019          | 2018          |
|-------------------------------------|---------------|---------------|
| Namminersorlutik Oqartussat         | 5.081         | 5.109         |
| Kommuneqarfik Sermersooq            | 5.081         | 4.702         |
| Cafetuaq                            | 13.596        | 14.541        |
| Saaffiginnittarfik il.il.           | 175           | 164           |
| Ataatsimeersuaarnerit               | 2.376         | 1.818         |
| Nipilersorneq & Isiginnaarti-tsineq | 2.496         | 5.720         |
| Eqqumiitsuliat saqqumersitsinerillu | 25            | 0             |
| Filmertarfik                        | 4.490         | 4.698         |
| Kioski                              | 2.442         | 2.348         |
| Isertitat allat                     | 69            | 88            |
| <b>Katillugit</b>                   | <b>35.831</b> | <b>39.186</b> |



| Aningaasartuutit agguaqatigiinneri            | 2019   | 2018   |
|---|--------|--------|
| Ingerlatsineq nalikilliliinerit ilanngullugit | 7.393  | 7.038  |
| Akissarsiat sulisunullu aningaasartuutit      | 16.853 | 15.796 |
| Naammassisaqarnermi                           | 1.269  | 2.896  |




|                                      |               |               |
|--------------------------------------|---------------|---------------|
| akissarsiat                          |               |               |
| Café                                 | 5.909         | 6.472         |
| Saaffignittarfik il.il.              | 49            | 132           |
| Ataatsimeersuarnerit                 | 88            | 121           |
| Nipilersorneq & Isiginnaartitsineq   | 648           | 2.606         |
| Eqqumiitsuliat saqqummersitsinerillu | 34            | 21            |
| Filmertaarfik                        | 2.459         | 2.548         |
| Kioski                               | 1.189         | 1.199         |
| <b>Katillugit</b>                    | <b>35.889</b> | <b>38.829</b> |

### Katuap ingerlannera

Ingerlatsinermt aningaasartuutit kattussat takutippaat, kulturip illorsuata Katuap ingerlanneranut aningaasartuutit, soorlu projektinut sulisunullu aningaasartuutit.

| Ingerlatsinermt aningaasartuutit agguataarneri  | 2019         | 2018         |
|---|--------------|--------------|
| Ininut aningaasartuutit                         | 2.957        | 2.961        |
| Allaffissornermt aningaasartuutit               | 1.875        | 1.943        |
| Avataaneersut sullissinerannut aningaasartuutit | 1.436        | 1.323        |
| Biillinut aningaasartuutit                      | 77           | 88           |
| Nalikillisaanerit                               | 1.046        | 719          |
| Aningaasaqarnermt tunngasunut aningaasartuutit  | 3            | 3            |
| <b>Katillugit</b>                               | <b>7.393</b> | <b>7.038</b> |



### Kulturimut atatillugu aaqqissuussat

2019imi Katuaq nammineq kulturimut atatillugu 60inik aaqqissuussaqaarpoq katillugit 26.324init isiginnaariarneqartunik.

2019 aallarnerfigalugu Katuaq kulturimut atatillugu pingaarutilimmik sinaakkusikkanik, 2018 tikillugu ukiuni arlalinni aningaasaliiffigineqartarnermisut aningaasaliiffigineqassaarpoq. Tamanna pissutigalugu aaqqissuussat amerlasuut siumut aningaasatigut qulakkeerneqarsinnaanikuunngillat, taamaammallu aaqqissuunniakkat ilaat piviusunngortinneqarsinnaanikuunatik.

- Aaqqissuussat eqimattakkaarlugit agguataarneri: Nipilersorneq (26), Isiginnaartitsineq (8), Kulturikkut aaqqissuussat (20) kiisalu saqqummersitsinerit (6).
- Aaqqissuussat 75 procentii kalaallit kulturiannut ileqqutoqaannullu tunngasuupput imaluunniit kalaallit eqqumiitsuliortut suleqatigalugit aaqqissugaallutik.

- Aaqqissuussat 70 procentiisa miss. Isiginnaarianut akeqanngillat. Taamaammat kulturimut atatillugu aaqqissuussat amerlanersaat tamanut akeqaratik kikkunnilluunniit ornigarneqarsinnaapput, soorluli assersuutigalugu tusarnaartitsinerit isiginnaartitsinerillu ilaat isernermi akeqarlutik.

Kisitsisini taakkunani filmertarfik, café kiisalu ataatsimeersuarnerit ilanngunneqanngillat. Taakkununga atatillugu kisitsisit nalunaarusiami matumani kingusinnerusukkat takuneqarsinnaapput. Kulturip illorsuanut isertut saqqummersitsinernullu takusaasut ataatsimoortillugit kisinneqanngillat.

### **Tapiissuteqartut aningaasaliissuteqartullu qutsavigaagut**

2019imi tapiissuteqartut tassaapput: Kalaallit Nunaanni Namminersorlutik Naalakkersuisut kiisalu Kommuneqarfik Sermersooq. 2019imi Katuamut aningaasaliissuteqartut tassaapput: Grønlandsbankenip kulturimut aningaasaliissutigisartagai, Royal Arctic Line, Tele-Post, Banknordik, Permagreen, Air Greenland kiisalu Kalaallit Nunaanni Brugseni minnerunngitsumillu NAPA – Nunani Avannarlerni Piorsarsimassutsikkut Attaveqaat. Tamatuma saniatigut eqqaaneqartariaqarpoq, projektinut ataasiakkaanut atatillugu Danmarkimi Kalaallit Nunaannilu aningaasaliissuteqartussarsiortoqartarnera. Tamakkua ilaatigut tassaapput Tipsimit Lottomillu isertitanit Namminersorlutik Oqartussat tapiissutigisartagaat, kulturimut aningaasaliissutit, Sermeq Fonden kiisalu NunaFonden. 2019imi kulturikkut aaqqissuussanut tapiissuteqartut aningaasaleeqataasullu Katuamit qutsavigaagut.

### **2020mi aningaasaqarnikkut naatsorsuutigisat**

2020mi 715 t.kr. amigartoorutigineqarnissaq pisortat naatsorsuutigaat. Tamatumunnga pissutaavoq igaffiup annertuumik suliarineqarnissaa, 2020mi aasakkut Katuap Caféata igaffiatu matoqqanissaanut aamma pissutaasusaaq.

2020mili martsimiit nunarsuatsinni tamani Covid-19ip ajornartorsiutaanerani aningaasaqarniarnikkut Katuaq annertuumik eqqugavoq. Katuap nammineq aaqqissuisarnermigut aningaasat kaaviiaartitat pilersittarmagit, Covid-19imut atatillugu matoqqasariaqarneq taamaammat Katuamut akisoqaaq. Covid-19imut atatillugu qanoq sivisutigisumik sunnerneqarnissaq nalunarmat, tamanna aningaasaqarnikkut nalorninartorsiortitsivoq. Taamaammat oqartussat aningaasatigut ikiuutigisaat allatigulluunniit aningaasatigut taperneqarnissaq Katuamit pinngitsoorneqarsinnaanngilaq. Matuma allannerata nalaani suli nalunarpaq Katuaq tapiissuteqarfigineqassanersoq, tapiisoqassappallu tapiissutit qanoq annertutigiumaanersut.

Namminersorlutik Oqartussanit Kommuneqarfik Sermersuumillu aningaasaliissutit nalinginnaasut katillutik tassaapput 10,2 mio. kr.





## Sulisorisat

2019imi Katuaq agguaqatigiissillugu qaammammusalinnik 21nik sulisoqarpoq (2018: 21) kiisalu akunnermusialinnik 48nik sulisoqarluni (2018: 45). Sulisut 67it taakkua katillutik inuit ataasiakkaat 46t miss. ukiumut sulinerattut naleqarpoq (2018: 45), taakkunganna akunnermusiallit inuit 25t ukiumut sulinerattut naleqarluni (2018: 24). 2019imi 31/12 arnanik 38nik (2018: 33) kiisalu angutinik 37nik (2018: 32) Katuaq atorfeqartitaqarpoq.

2019imi 1. januaarimiit 31. decembarip tungaanut sulisunut atatillugu kaaviiartitat tassaapput: 13,9 %. Tamatuma naatsornerani aalajangersimasumik atorfillit (qaammammusiallit) suliunnaartut, agguaqatigiissillugu aalajangersimasumik atorfilinnut agguataarneqarput.

### Piginnaangorsarnerit

Sulisut ataasiakkaat sulisullu eqqimattakkaat piginnaangorsarlutik, Katuaq inerisarnissaanut isumasiorlutik kiisalu atassuteqarfissanik ujartuillutik, pikkorissarnernut, saqqummersitsinernut il.il. peqataasarnikuupput:

Ilinniartitaaneq, pikkorissarneq kiisalu seminarit:

- Pisortassatut ilinniarneq
- Projektinik ingerlatsisussatut pikkorissarneq
- Aqutsisoq
- Kalaallit oqaasiinik ilinniarneq
- Peqqinnissaq pillugu ambassadøritut pikkorissarneq
- Isumaqatigiissitsiniaasartutut ilinniarneq
- Pisortaaqatigiinnut seminari

- Sulisunut ullorititaq sulisut tamarmik peqataaffigisaat

Aaqqissuussani allani peqataanerit:

- Arctic Sounds Festival, Sisimiut
- Spot Festival, Århus
- Riddu Riddu Festival, Nordnorge
- Århusimi, Svendborgimi, Barcelonamilu filmit pillugit katerisimaarnerit
- Nerisassat pillugit saqqummersitsineq

## 2019 pillugu aqutsisut nalunaarusiaat

Katuap aqutsisuinut sulisuinullu ukioq 2019 pissanganarnikuuvoq. Aqutsisunut ukioq ilivitsoq siulliuvoq, ukiup 2018ip affaata kingulliup ingerlanerani aqutsisut tallimat (pisortaq ilanngullugu) akorngini pingasut atorfimmini aallartinnikummata. Ukioq aqutsisunut ilinniarfiullunilu nassueruteqarfiunikuuvoq. Ukiup ingerlanerani illumut sulisunullu pimoorullugu aaqqissuunneqartartut qanoq oqimaaqatigiissitinnissaat oqaluseriniarnikuuvoq. Sulisut iluariusussusaat misissorneqarnikuuvoq, tassanilu takuneqarluni Katuami sulisut tunniusimaartuusut suliatillu pingaarutilittut isigalugit. Tamanna pitsaasuullunilu uppernarsaatitut isigineqarpoq, misissuinermi aamma suut pitsanngorsaqqinneqarnissaannik tikkuussisoqarmat. Inerniliinerit amerlanerit tupaallaatigineqanngillat, taamaattorli Katuami sulinermi suut aalajangersimasut unammillernartuunersut aamma takuneqarsinnaalluni. Tamakkua tamaasa aalaavigalugit, aqutsisuusut aalajangerput suliffiup aaqqissuussaanera suliasallu ingerlanneqartarneri immikkut 2019imi aallartittumik 2020mi nakkutigineqartariaqartut.

2018imiit 2020mut periusissatut pilersaarutaasut aamma 2019imi kulturip illorsuani sulinermit pingaarutilittut tamatigut tunngavigineqarput. Katuami kulturikkut aaqqissuussat inerisartuarniarlugit, periusissatut pilersaarutit nakkutigilluarneqarpoq, assigiinngiaartunik kiisalu nammineq kulturi aalaavigalugu aaqqissuussisarnissaq anguniarlugu. 2019mi kulturikkut aaqqissuunneqartuni tamanna erserluarpoq. Aaqqissuussani kalaallit kulturiat sammineqarluarpoq kalaallillu eqqumiitsuliortut immersuilluarlutik, aammali kulturilerisut avataaneersut peqataatinneqarluarlutik.

Tamatuma saniatigut periusissatut pilersaarumi kulturilerisut nunatsinneersut avataaneersullu suleqatiginissaat eqqumaffigineqarpoq. Siorna Katuap aaqqissuusseqataaffigisartagaani minnerunngitsumik nunatsinneersut peqataatinneqarluarput. 2018mi aallartittumik 2019imilu ingerlateqqinneqartumik, Kalaallit Nunaanni kulturimut atatillugu aaqqissuussisartut akornganni atassuteqaqatigiittarneq patajaalliarpoq. Ataatsimut atassuteqaqatigiittarnissap pilersinniarnera ilungersuullugu sivilisuumik pilersinniarneqarnikuuvoq, maannali nunatsinni sumiiffinni tamaneersut naligiillutik atassuteqaqatigiilluarput. Kalaallit Nunaanni kulturilerisut ataqatigiinnerannut tamanna patagaallisaataalluarpoq.

Katuap illutaata aserfallatsaalinnissaa pillugu Katuaq I/Simi piginnittut isumasioqatigisarnerat 2019imi Katuaq-fondimit nukippassuarnik atuiffiusimavoq. Illu angisooq ukiunik 23nik pisoqaasusilik aserfallatsaalineqartariaqarpoq, illoqarfiillu pingaarnersaanni ineriartornermut illu tassanilu aaqqissuuttakkat malinnaatinneqartariaqarlutik. Isumasioqatigiittarnerit kingunerannik 2020mi illu

suliarineqalissaaq. Igaffik tamakkiisumik nutarsarneqassaaq, tamannalu 2020mi anguniakkanut pingaaruteqassaaq, igaffillu annertuumik pitsannguallassalluni.

Katuami periusissatut pilersaarusiame ukioq 2020 kingulliugallarpoq. Tamatuma kingorna ukiuni taakkunani angusat qimerloorneqartariaqalissapput kiisalu 2021miit anguniagassat isummersorfigineqartariaqalissallutik. Suliaq tamanna 2019imi annikitsumik aallartisarneqalereerpoq, 2020milu tamanna sammineqarnerulissalluni. Katuaq-fondimi siulersuisut sulisullu suliaq tamanna isumalluarfigaat, siunissamilu Katuap ingerlaqqeriaarnissaanut pingaaruteqassalluni.

### Siulersuisut

Katuaq-fondimi siulersuisut toqqaasinnaatitaasunit assigiinngitsunit inuttalersorneqarnikuuvoq. 2019ip naalernerani siulersuisut imatut inissisimapput:

- Siulittaasooq Pipaluk Kreutzmann Jørgensen, eqqumiitsuliortut kattuffiannit EPImit toqqaarneqartoq
- Siulittaasooq tullia Anders La Cour Vahl, Visit Greenlandip toqqaaga
- Mille Søvndahl, Kommuneqarfik Sermersuumit toqqaarneqartoq
- Nino Fencker Thomsen, Namminersorlutik Oqartussat toqqaaga
- Angunnguaq Larsen, Katuami sulisunit toqqaarneqartoq
- Per Bloch, Nunani Avannarlerni Ministerit Siunnersuisooqatigiivinit (NAPA) toqqaarneqartoq

Siulersuisut siulittaasuat Anna Heilmann 2020mi septembarip tungaanut siulittaasusinnaangarlualuni, tunuarniarluni nammineq kissaatigisimavaa. Katuami piortat siulersuisullu ukiuni kingullerni Annap suliarinikuusaanut annertuunut qutsavigaat. Annap tunuarnerata kingorna Pipaluk siulersuisunut siulittaasunngorpoq.

# Immikkoortut aalajangersimasut pillugit nalunaarussiaq

## Aaqqissuussat

Ukiut tamaasa Katuaq assigiinngitsorpasuarunik aaqqissugaqartarpoq, assigiinngiaartunik saqqummiussisartut eqqumiitsuliortullu assigiinngiaartut kiisalu kulturikkut ingerlatsiviit peqatigiiffiillu peqataaffigisaannik. 2019imi taamatut aamma ingerlatsivoqarpoq. Ukiup ingerlanerani kulturip illorsuani aaqqissuunneqarsimasut pillugit nalunaarussiaq matuma ataani atuarneqarsinnaavoq.



## Nipilersorneq

2019imi Katuami tusarnaartitsinerit assigiinngitsut amerlaqaat.

Taamaalilluni 2019imi 26nik tusarnaartitsisoqarpoq, 12.239init tusarnaariarneqarsimasunik:

- Paarlarsuarmi tusarnaartitsinerit 8t. Tusarnaartut katillugit: 7556
- Hans Lyngep inersuaani tusarnaartitsineritmarluk. Tusarnaariat katillugit: 1058
- Cafémi tusarnaartitsinerit 7t. Tusarnaariat katillugit: 1870
- Tusarnaartitsinerit allat 9t. Tusarnaariat katillugit: 1755

## Paarlarsuarmi tusarnaartitsinerit

### Naneruaq & Paninnguaq Jensen, 8. februar

Katuami paarlarsuarmi tusarnaartitsinerit siullersaanni kalaallit nipilersoqatigiit ilisimaneqarluartut marluk tusarnaartitsipput. Naneruaq Kalaallit Nunaanni nipilersoqatigiit nuannarineqarnerpaat ilagaat, Soft Rockimik nipilersugaat nuannarineqarluarlutik.

Paninnguaq Jensen erinarsortartut nutaajunerit inuusunnerillu ilagaat. Taanna popimik nipilersortarpoq, 12iinnarnillu ukioqarluni saqqummersitseqqaarnikuulluni. Taassuma saqqummersitaa kingulleq 2017imi saqqummertoq nuannarineqaaq.

Tusarnaartut: 1134



Qarsoq aammag Asuki, 1. marts

Qarsoq arfineq marlunnik saqqummersitsinikuuvoq, saqqummersitseqqaarnerminniillu nuutinik 30.000it sinnerlugit tunisaqarnikuullutik.

Nipilersoqatigiit taakkua ukiunik 40nngortorsiorneranni Katuami nipilersortinneqarput.

Asuki kalaallisut rock 'n' rollimik nipilersortartut nuannarineqaqisut 1973imi aallartipput. Asukikkut quianarsinnaasartunik taalliorput akuttoqatigiiaartumik erinnerlugit.

Tusarnaartut: 679

Ole Kristiansen Band, 29. marts

2019imi Ole Kristiansen Band saqqummersitaat "Isimiit likkamut" ukiunik 30nngortorsiorneranni Katuap paarlersuaani tusarnaartitsipput. Tassani kissassaasuulluni unnummik aallarniisuuvoq inuusuttoq taalliorlunilu erinniortartoq pikkorrissoq, Jaaku Sørensen, qanilaartumik torrallatanik taallaatilik.

Tusarnaartut: 830

Mariina & Secure Escape, 3. maj

Mariina arnat erinarsortartut Kalaallit Nunaanni nuannarineqarnerpaat ilagaat, siornatigut kalaaleq nipilersortartoq, Hand Lange, ilagalugu nuannarineqaqisunik saqqummersitsisarnikuuvoq.

Kalaallit rockimik nipilersortartut Nuummi najugallit Secure Escape 2013imili aallartinnikuupput.

Sivikitsumik uninngariarlutik 2019ip aallartinnerani saqqummersitsipput.

Tusarnaartut: 580

Paarlersuarmi tusarnaartitsineq: Gerth & Mugison, 28. juni

Islandimioq taalliorlunilu erinniortartoq, Mugison, Kalaallit Nunaanni siullerpaamik nipilersorluni Katuami tusarnaartitsivoq. Ukiut ingerlaneranni taanna Islandimi nunanilu allani tusaamaneqartorujussuanngorpoq, islandimiutut tuluttullu erinarsortarluni.

Gerth Lyberth siullermik saqqummersitsivoq 2019imi, taassumalu saqqummersitsinissaa qilanaarineqarnikooqaluni. Gerth nammineq erinarsugassiortarpoq namminerlu videoliortarluni.

Tusarnaartut: 136

Paarlersuarmi tusarnaartitsineq: Inneruulat & Unnuaq Band, 30. august

Unnuaq Bandikkut saqqummersitseqqaaramilli Kalaallit Nunaanni tamani nuannerinnitseqalernikooqaat. Nipilersoqatigiit pingasunik saqqummersitsinikuupput sulilu nipilersoqatigiittarlutik. Taakkua ukiunik 30nngortorsiorlulit tusarnaartitsipput.

Rockimik nipilersortartut Inneruulat 1976imili nipilersoqatigiilernikuupput sulilu nuannarineqahar qalutik. Taakkua erinarsuutaat Kalaallit Nunaannut, maanilu pisuussutit, pinngortitaq minnerunngitsumillu inui pillugit taalliaqarput, ullumikkut pissutsinut suli naleqquttunik.

Tusarnaartut: 880

Akisuanerit Festival, 4. – 6. oktober

Akisuanerit Festival Atlantic Music suleqatiglugu ukiut aqqanilissaat ingerlanneqarpoq. Festivali iluatsilluarpoq. Paarlarsuaq ulikkaartarlugu unnuit tullerit marluk tusarnaartitsisoqartarpoq kiisalu sapaatikkut ualikkut ornigarneqarluartumik meeqqanut inuusuttunullu akeqanngitsumik tusarnaartitsisoqarluni. Sapaammi Hans Lyngep inersua ulikkaangajallugu tusarnaartitsisoqarpoq. Tusarnaartut: 2857

Paarlarsuarmi tusarnaartitsineq: Rockstones & Small Time Giants, 1. november

Tusarnaartitsineri tassani kalaallit rockertartut marluk nipilersorput. Small Time Giants Kalaallit Nunaanni tusarnaartitsillaqqinnerpaat ilagaat. 2019imi oktobarimi taakkua erinarsuut "Animal" saqqummersippaat, saqqummersitassaminnut siulliutillugu. Rockstones siullermik saqqummersitsippat 2015imi upernaakkut taaguutilimmik 'Qilammi Ungasissumi'. Taakkua tullianik 2017imi aamma 'Inatsisit Nutaat' saqqummersippaat.

Tusarnaartut: 917



**Hans Lyngep Inersuaani tusarnaartitsinerit**

Suluit, 23. april

Katuami tusarnaartitsineri siullerpaamik tamarmiullutik Suluit, erinarsortartut ukua ilagalugit: Nukâka Coster-Waldau, Karina Møller, Hans Henrik Suersaq kiisalu Ilanguaq Lumholt, kiisalu Peter Kibsgaard, Kristoffer Jul Reenberg aamma Charlie Shapiro ipilersortalugit. Arctic Sounds suleqatigalugu Suluit Katuami tusarnaartitsippat.

Tusarnaartut: 173

Adventimi tusarnaartitsineq, 1. december

Tassani tusarnaartitsineq ileqqunngornikuuvoq, nipilersortoqarluni, qitittoqarluni oqaluttuortoqarlunilu. Nukannguaq Geislerip Miké Thomsen pattagissamik ingiorpaa, erinarsoqatigiit Nordisk Koncertkor, Kiki Godtfredsen, Inuk Brandt Petersen peqatigalugit. Qititassiaq Qiajuk Studios pilersitaat takutinneqarpoq kiisalu Juaaka Lyberth juullerpaluttumik atuffassilluni.

Tusarnaartut: 428



### **Cafémi tusarnaartitsinerit**

Katuami cefémi tusarnaartitsisarneq 2018imi aallartinneqartoq 2019imi ingerlateqqinenqarpoq. Tusarnaartitsinerit tallimangornermi ualikkut ingerlanneqartarput, kisimiillutik sakkortusaaneqaratik nipilersortartut tusarnaartitsisarlutik. Aasaanerani tusarnaartitsinerit aasaanerani qaammatini ingerlanneqartarput, silagikkaangat silami ingerlanneqartarlutik. Taakkua aqqissuinerit akeqanngitsumik tusarnaarneqarsinnaasarput nuannarineqaqalutillu.

#### Stanley Samuelsen, 11. januar

Stanley Samuelsen savalimmioruiuvoq teknikkikkullu piginnaasani immikkuullarissumillu nipilersullaqqinnini tusaamasaassutigalugit. Taanna erinniarsuarnik nipilersortartunik suleqateqartarpoq, arlaleriarlunilu nersornaatinnattarlunilu nersornaasigassatut piukkunneqartarnikuulluni. Tusarnaatut: 125

#### Aasaanerani tusarnaartitsineq: Daani L. Christophersen, Hans-Ole Amossen aamma Jaaku Sørensen, 5. juli

Erinniorlunilu taallioartarpoq Daani L. ukiuni arlalinni uninngareerluni tusarnaartitseqqippoq. Assigiinngitsunik nipilersortartup nipilersoqatigiit Torluut kiisalu Da Bartali Crew peqatigalugit nipilersortakkani nipilersorpai, pulaartoralugit Karina Møller, Kimmernaq Kjeldsen kiisalu Nathan Kreutzmann. Erinniorlunilu taallioartarpoq Jaaku Sørensen tusarnaartitsinerimi naggasiilluni nammineq erinarsugassiani atorlugit tusarnaartitsineq naggaserpaa. Tusarnaatut:150

#### Aasaanerani tusarnaartitsineq: Paninguaq Jensen & René Løvstrøm, 12. juli

Ukiup ataasiinnaap ingerlanerani Paninguaq Jensen Kalaallit Nunaanni arnat akorngini erinarsullaqqinnerpaat ilaattut saqqumilaalerpoq. Taassuma siullerpaamik nipilersortarpoq erinarsortartorlu René Løvstrøm peqatigalugu tusarnaartitsivoq. Tusarnaatut: 500

#### Aasaanerani tusarnaartitsineq; Inunnguaq Petrussen, 19. juli

Nipilersoqatigiit Inuk erinarsortuat guitarertuallu Inunnguaq Petrussen kisimiilluni cafémi tusarnaartitsivoq, nammineq kiisalu Inuk peqatigalugit erinarsortakkani atorlugit.

Tusarnaartut: 225

#### Sommerkoncert med Miké Thomsen, 26. juli

Den musikalske og talentfulde entertainer Miké Thomsen er igennem årene blevet en populær kunstner. Miké spillede sine egne sange og mange gode cover numre til koncerten.

Publikum: 300

#### Aasaanerani tusarnaartitsineq: Nikolaj Lønstrup, 2. august

Kujataaneersoq popimik erinarsortartoq Nikolaj Lønstrup Kalaallit Nunaanni inuusuttut akornanni nuannarineqarluarpoq, arlaqaqisullu tusaamaneqaatigalugit. Taassuma nammineq erinarsugassiani allallu nuannarineqartut tusarnaartitsinermini atorpai.

Tusarnaartut: 170

#### Katsi Kleist, 15. november

Katsi Kleist-Eriksen ukiut ingerlaneranni kalaallit nipilersortartut tusaamasat arlallit , soorlu Pele Møller Band, Zedna, Karl Lynge, The Soulmates allallu nipilersoqatigisarnikuuai. Taassuma saqqummerseqqaarnikuuuaa, 'Qujanaq', 2013imi saqqummerami Koda Awardimin ukioq taanna saqqummertuni torrallataanerut toqqarneqarluni.

Tusarnaartut: 400



#### **Tusarnaartitsinerit allat**

##### Appittarfik/Jam session, 26. januar

Appittarfik / Jam session siullermik 2019imiukiup aallartinnerani aaqqissuunneqarpoq, tassani Varnas bluesband siulliullutik kissassaasuullutik, nipilersortartullu allat aamma tassani kingusinnerusukkut peqataatinnqarlutik.

Tusarnaartut: 300

##### Pattagissamik erinniarsuarnik tusarnaartitsineq: Jesper Réne, 19. februar

Jesper René noqartilimmik tusarnaartitsisartuni Danmarkimi tusarnaartitseqattaarnerit ilagaat, siullerpaamillu Kalaallit Nunaanniilluni. Taassumma Katuami tusarnaartitsinermini makkua erinnaat atorlugit; Debussy, Schubert kiisalu Chopin.

Tusarnaartut: 80

#### Total Hip Replacement, 11. april

Total Hip Replacement tassaaput inuusuttut inuummaarissumik nipilersortartut Danmarkimeersut, 200t sinnerlugit tusarnaartitsisarnikuullutillu nunanut allanut nipilersoriartartut. Taakkua Katuami nipilersortussatut qaaqquneqaramik Inersuaaqqami tusarnaartitsipput, tamatumanilu Arctic Sounds suleqatigineqarluni.

Tusarnaartut: 200

#### Brunchkoncert: Agiartunik tusarnaartitsineq, 20. april

Poorskimi Agiartartoqatiit nipilersoqatigiinneq pillugu Nuummi seminareqarput, iluatsillugulu inersuaaqqami aliannaarsaartitsillutik kusanartumik tusarnaartitsillutik.

Tusarnaartut: 70

#### Appittarfik/Jam Session, 17. maj

Nipilersortartut nipilersornermillu nuannarisallit tamarmik Katuamit Appittarfik/Jam Sessionimut qaaqquneqarlutik Inersuaaqqami appisimaarrapput. Aaqqissuussaq aallarnerlugu nipilersoqatigiit Kusernerit, singer-songwriter Jaaku Sørensen siuttoralugu nipilersortalersut.

Tusarnaartut: 325

#### Katuami inngeqatigiinneq, 24. maj

Nuummi Inngertartut peqatigiiffiat suleqatigalugu Katuaq unnukkut inngeqatigiinnermik aaqqissuussivoq nuannarineqaqisumik.

Aaqqissuussinermi inngertartut makkua peqataapput: Angutinnguaq Johnsen, Peter Stefani, Anda Poulsen, Tukummeq Qaavigaq, Kuka Fleischer, Jose Joelsen, Tuperna Larsen, Hans Josefsen, Charlotte Lund Mølgaard, Emil Mølgaard, Varna kiisalu Ari P. Rasmussen

Tusarnaartut: 110

#### Jazzbrunch, 9. juni

Cafétuami brunchitortoqarsinnaavoq jazzerpalaamik tusarnaarluni, Jacob Nyborg (saxofon kiisalu qarlordaat), Anders Øgaard (Kontrabas) kiisalu Thomas Gaarde Madsen (Guitar) nipilersortalugit.

Tusarnaartut: 300

#### Pillakkat erinarsoqatigiivi, 17. september

Pillakkat erinarsoqatigiivi Katuami tusarnaartitsipput kiisalu isertitsivimmi inuuneq erinarsoqatigiittarnertillu oqaluttuaralugit. Taalliaat qanilaartuupput, pisuutinneqarneq, upperisaq, kukkussutit, isumakkeerfiginnineq, qingarsuineq, neriuteqarneq kiisalu annilaanganeq



sammillugit. Pineqaatissinneqarnikut tusarnaartitsissatillutik anisinnaasarput, isertitsivimmiikkunnaarnikut suli peqataasartut peqatigalugit erinarsoqatigiittarlutik.

Tusarnaartut: 70

### Appittarfik/Piumasut tusarnaartitsinerat, 27. december

Ukiup ingerlanerani katuami tusarnaartitsinerit kingullersaanni nipilersortartut nipilersornermillu nuannarisallit tamarmik Inersuaaqqami alianaatsumik unnussuaarnermi nipilersoriaqquneqarput.

Tusarnaartitsineq aallarnerlugu nipilersoqatigiit Anorak', tassaasut nipilersortartut Johannes Sigurdsen, Apunnguaq Schmidt, Kristian Herlufsen kiisalu Jens Christian Lyberth Lennert tusarnaartitsipput.

Tusarnaartut: 300



## **Isiginnaartitsineq**

2019imi Katuami 8nik isiginnaartitsisoqarlunilu qitinnermik takutitsisoqarpoq, taakkunungaluk katillutik tusarnaariarlutik: 5537.

### Allaanerulaartut, 3. – 5. april

Allaanerulaartut tassaavoq meeqqat kangillinguit Atuarfianneersut qititassiaat, inuuniutigalugu isiginnaartitsisartut isummersorfigalugu pilersitaat, meeqqat silarsuaannik isummersorsinnaanerannillu takutitsisoq.

Peqataasut: Alexander Montgomery-Andersen, Sarah Aviaja Hammeken kiisalu Michael Tang.

Koreograf: Lava Markusson. Nipilersugassiortoq: Jonathan Lundberg

Isiginnaartut: 348

### Dans Over Hovedet, 12. april

Dans Over Hovedet tassaavoq tukungasumik qititassiaq, tassani peqataasut Paarlarsuarmi silaannarmi, iikkani natermilu takutitsipput. Tassani qitittut aalassarillutik allunaasat, hoop kiisalu annoraamerngit atorpaat.

Peqataasut; Qitittut/koreografit: Maliina Jensen, Ilona Jäntti, Alexander Montgomery-Andersen  
kiisalu Sarah Aviaja Hammeken. Qiinnermut ilinniartut Qiajuk Studiosimeersut: Ivi Luna Olsen, Laura  
Abelsen, Bella Olsen, kiisalu Salik Johansen  
Isiginnaartut: 160

Child of the Seal Woman, 27. aamma 28. April

Isiginnaagassiami islandimiut arnaq puisitut isikkulik pillugu oqaluasaatoqaat aalalaviginqarpoq,  
tassani arnap angummik asannilersoorfigisaminik naapitsigami ammini annaavaa qitornartaarlutillu.  
Sivisunerusumilli nunamiissinnaannginnami imaanut utertariaqalerluni.  
Peqataasut: Kimmernaq Kjeldsen, Gregor Müller, Mike Fencker Thomsen, Lisa Rüppel kiisalu Björg  
Brjansdottir. Ilitersuisoq: Ingo Putz  
Isiginnaartut: 272

Qitik 2019, 11. maj

Ukiut arfinilissaat Qiajuk Studios atuarfiit tamarmik peqataaffigisaanni ukiumoortumik Katuami  
qititassiamik takutitsipput. Ukioq manna Qitik 2019imi takutinneqarput ballet, contemporary, jazz,  
streetdance, hiphop kiisalu showdans.  
Isiginnaartut: 648

Anoraap Nipaa, 5. – 7. juni

Meeqqat Ulluannut atatillugu Katuaq meeqqerivinniittunut kiisalu atualeqqaanut tamanut  
tunissuteqarpoq, tassa ilaqutariinnut isiginnaagassiamik takutitsilluni.  
Isiginnaagassiami Anoraap Nipaani arnat inuusuttut marluk anoraasiummik inissiiartorput, silalu  
allanngoriataarsinnaanngitsoq paasillugu. Taakkua pinngortitami silamut atatillugu nutaanik  
misigisaqarput, timitillu atorsimangisaannakkamittut eqqumiitsumik kiisalu qinngornermik  
nipimillu angakkuakkatut ittumik pilersitsillutik.  
Isiginnaartut: 1.882

Akunnerit, 12. & 13. juli

Nipilersukkanik isiginnaagassiaq Akunnerit Laarseeraq Svendsenimut taassumalu  
erinarsornikuusaanut nuannersunut nersuiniutaavoq.  
Taanna isiginnaagassiaq aappasaanik takutinneqarpoq, siullermik Katuami 2018imi aamma  
takutinnqarnikuulluni.  
Nipilersukkanik nipilersugassiuusuuvoq Jim Milne, erinarsortullu tassaallutik Kuunu Berthelsen,  
Kimmernaq Kjeldsen kiisalu Nathan Kreutzmann.  
Isiginnaartut: 689

Josef/Tarrak, 5. & 6. september

Isiginnaagassiamik pilersitsisuupput Pipaluk Kreutzmann Jørgensen kiisalu Josef Tarrak-Petrussen  
Katuagq suleqatigalugu ullutsinni Kalaallit Nunaanni pissutsit sammineqarlutik. Josef/Tarrak angutip

inuusuttut marloqiusamik inuunera pillugu isiginnaagassiaavoq. Taassuma Josefitut suut aqqusaarnerai – eqqumiitsuliortutullu Tarrak, aamma ataatami najoqatiginngisami kinguliaqutaa taaguutigalugu isornartorsiulluni, Josef Tarrak ataataqannginneq sammillugu.

Ilitsersuisoq: Pipaluk K. Jørgensen. Isiginnaartitsisut: Aqqalu Berthelsen, Ujarneq Fleischer kiisalu Josef Tarrak-Petrussen.

Isiginnaartut: 1062

### Qiajuup Juullimi isiginnaagassiaa, 24. november

Ukiup ingerlanerani isiginnaartitsisarnerit naggaserlugit Katuaq suleqatigalugu Qiajuk Studios juullimi isiginnaagassiorpoq. Taakkua qitinnermik ilinniartuutaasa takutippaat ilinniarnermi sungiusartarnitik kiisalu qititassiortarnertik, ukiup ingerlanerani ingerlannikuusatik.

Isiginnaartut: 476



## **Kulturikkut aqqissuussat**

2019immi 20nik kulturikkut aqqissuisoqarpoq, katillutik taakkununga isiginnaariarlutik 8178it.

## **Aqqissuunneqaqqittartut**

### Mitaarfik, 6. januar

Katuap ukiumoortumik aqqissuuttarpaa Mitaarfik. Tamatumani Hinnarik & Frederik aqqissuusssamut peqataapput, meeqqanut tusarnaartitsillutik. Atisalersornikkut unamminermi Hinnarik aamma Sikkerneq Olsen nalilersuisuupput. Naggataatigullu Juullip Inua pulaartoq orpiliaq kaavinneqarluni.

Isiginnaartut: 300

### Unnuk kulturisiorfik, 19. januar

Unnuk kultorsiorfimmi Katuami isiginnaartitsisarfiup tunuani pissutsit takutissorneqarput, tassani ilaatigut tusarnaartitsinerit nalaanni teknikerit suliarisartagaat takutinnearlutik kiisalu filmertarfimmi filmertitsisartut qanoq suleriaaseqarnerisut takutinneqarluni. Kamiit pappillissanik sanaat aamma takutinneqarput, Pississaartarfimmi pinnguartoqarluni kiisalu cafémi kaffisuuttoqarluni. Tamakkua

saniatigut Qiajuk Studios, Texas Cowboys, Apunnguaq Schmidt kiisalu Hans-Ole Amonssen aliikkusersuillutik.

Isiginnaatut: 1500

#### Tapiissutit pillugit unnukkut paasissutissiineq, 6. februar

Unnukkut paasissutissiinermit eqqumiitsuliat, nipilersorneq, filmiliorneq, atuakkiorneq allallu kulturikkut suliariniakkanut pillugit tapiissutinik qinnuteqaateqarnissaq sammineqarpoq.

Peqataatitaqarput: Namminersorlutik Oqartussat & Tips- og Lottomiit kulturimut tapiissutigisartagai, Julemærkefonden, NAPA, NunaFonden kiisalu Katuaq.

Tusarnaartut: 30

#### 9. & 10. August, Qooqqut Festival 2019, 9. – 10. august

Festivali tallimassaanik ingerlanneqarpoq, siornamut sanilliullugu isiginnaartut 20 procentimik amerleriarlutik. Qooqqut Festivalimi kalaallit ileqqutoqaat kiisalu nipilersornerit Canadameersunik Nunanillu Avannarlerneersumik peqataatitaqarluni ingerlanneqarlutik. Ilaqutariit amerlaqisut aqqusaarput, iluatsillugulu kulturimut tunngasunik sammisaqarlutik katerisimaaqataallutik.

Qooqqut Festivalimi ukioq manna 'Sila' qulequtarineqarpoq. Festivalimi eqqumiitsuliortut makkua peqataapput: Hans-Ole (GL), Katuaq Band (GL), Nuka-Alice Lund (GL), Thelma Kajsdóttir Lyberth (GL), Teitur Magnússon (IS), Sylvia Cloutier (CA), Ulf Fleischer (GL), Titarnek' (GL), Thelma, Teitur kiisalu Ulf Co-labimi tusarnaartitsinermilu peqataallutik. Tamakkua saniatigut aamma Asterions Husip (DK) silami isiginnaagassiaq Romeo aamma Julie takutillugu.

Workshoppornerni kalaallit qilaasersoriaasaat, canadamiut inngeriaasaat, ujaajeerneq, ukkusissamik saanermillu qiperuineq, meeqqat eqqumiitsuliaat, atoqqiilluni eqqumiitsuliat, yoga, aalajangersimasumik ingerlavissalimmik arpaliunneq, Kalaallit Nunaanni naasut akugineqarsinnaasut kiisalu geologi sammineqarput. Tamakkua saniatigut aamma qaannamik takutitsisoqarlunilu ikumalaartitsinermi iffiortoqarluni, erinarsoqatigiittoqartarluni kiisalu ersinartulikkersaattoqarluni.

Isiginnaartut: 1000

#### Ullukinneq, 21. december

Katuaq kiisalu Nuuk Lokaludvalg ullukinneq persuarsutiginiarlugu qaaqqusipput, kulturikkut ileqqutoqqanik takutitsillutik. "Qulleq" Tukummeq Qaavigap ikippaa, lisaavaraq Petrussen erinarsorluni kiisalu ilaatigut aamma Aassutit seqinermik kalittut pillugit oqaluttuortoqarluni.

Pivinnguaq Mørch aamma Hendrik Mørch taallanik atuarput. Isiginnaariat takusinnavaat ujaajeertartoq Najattaajaraq Joelsen, Peqatigiiffik Inngertartut inngernerimik takutitsipput, aqqissuinerlu naggaserlugu aqqissuinermit peqataasut ilagalugit ataatsimut inngertoqarluni.

Peqataasut: 300



## Ileqquvut – Inuit traditions

Inuit kulturiat aallaavigalugu ileqqut sammillugit 2019imi Katuaq arlalinnik aqqissuussaqqarpoq. Aqqissuussani taakkunani Nunatsinni Katersungaasivik suleqatigineqqarpoq. Aqqissuussani taakkunani pingaarnertut qulequtaliisoqartarpoq, itsarli pisartunut atassusiilluni ullumikkut pissutsit sammineqartarput siunissamullu tikkuussisuutinneqartarlutik.

### Ileqquvut: Inuuniarnermi naleqqutarisat, 12. februar

Ileqquvut siulleq aqqissuunneqqarmat Kalaallit Nunaanni inuuniarnermi naleqqutarisat qanganisat nutaallu sammineqarput. Juaaka Lyberth aamma Paninguaq Lind Jensen tassani oqaloqatigiiffimmi sammipput. Juaaka Lyberth Kalaallit Nunaanni qanga inuuniarnermi najoqqutat pillugit saqqummiivoq, ilaatigut ullumikkut sulii najoqqutarineqartunik. Kakiuisartoq Paninguaq Lind Jensen Inuit kakiorteriaasaat pillugu qanorlu oqaluttuassartaqarneri pillugit saqqummiivoq.

Tusarnaartut: 40

### Ileqquvut - Bølger i grønlandsk film, 12. marts

Siornatigut, ullumikkut siunissami kalaallit filmiliasat tassani sammineqarput. Filmiliortartoq Aka Hansen, ilitsersuisartoq Inuk Silis Høegh kiisalu Marc Fusing Rosbach, kiisalu Ujammiugaq Engell Nunatsinni katersungaasivimmeersoq apeqqarissaarfigineqarput. Rosannguaq Rossen Ilisimatusarfimmeersoq apeqqarissaarnermi aqutsisuuvoq. Peqataasut filmiliornermi filmiallu ilamernginik aamma takutitsillutik suliatik pillugit saqqummiipput. Kalaallit filmiliortarnerni pissutsit taakkua eqqartorpaat, kiisalu avataaniit filmiliani Kalaallit Nunaata ilisaritinneqartarnera kiisalu namminneq filmiliaminni Kalaallit Nunaata sammineqartarnera pillugu oqallillutik.

Tusarnaartut: 42

### Ileqquvut: Kalaallit atisaat, 16. april

Naggeqatigiit Inuit kalaallillu atisalariaasaat ileqqutoqqanik immikkuullarissunik aallaaveqarput, ukiuni tuusitilikkaani atorineqartarnikuullutik. Maannakkut tamakkua ulluinnarni atorineqarunnaaraluartut, persuarsiortoqartillugu sulii saqqummerneqartarput, kalaallillu atisaliaanni



nutaaliani isumassrsiorfigineqartarlutik. Saqqummiisut: Evi Kreutzmann, Louise Lynge Berthelsen, Nikoline Kreutzmann kiisalu Ujammiugaq Engell. Aqutsisoq: Rosannguaq Rossen

Tusarnaartut: 50

Ileqquvut: Kalaallit Nunaanni aasaq, 23. maj

Kalaallit Nunaanni aasaanerani ileqquusut pillugit oqalugiarnert oqalugiartoralugit: Arqioq Daorana Qaanaameersoq, Kuannia Bianco Tunumeersoq, Pustu Bjørn Chemnitz Kujataaneersoq, Susanne Kjærulff Kitaata-avannaaneersoq kiisalu og Ane Egede Mathæussen, kiisalu itsarnisarsiooq Nunatta Katersungaasiavianeersoq – Mikkel Myrup

Tusarnaartut: 34

Ileqquvut: 30kkunni Kalaallit Nunaat, 16. september

Jette Bangip naatsumik filmilaa 30kkunni Kalaallit Nunaanni ulluinnarsiutit pillugit Ileeqquvumi takutinneqarpoq.

Assilisat nipitaqanngillat, Kalaallit Nunaatali oqaluttuassartaa, kulturi kiisalu ineriartorneq filmimi immikkuullarissumik takutinneqarput. Assersuutigalugu taamani nammeneq atortuliatik atorlugit innani sivingaqisuni qanoq mannissartarneq takutinneqarpoq, atuarfik qanoq ingerlanneqarnersoq, qaarusunni assigiinngitsuni qanoq sulisoqarnersoq allarpassuillu 30kkunni Kalaallit Nunaanni pissutsit takutinneqarput.

isiginnaartut: 14



## **Aaqqissuussat allat**

NAIPp ukiunik 60nngortorsiornera, 16. marts

NAIPp ukiunik 60nngortorsiornera persuausutit immikkut ittumik Katuami takutitsipput. Ullorsiornermini isiginnaagassiaanni ilaatigut pulaartutut peqataapput Inukitsoq kiisalu Genuveva Sandorana, ingertartut Qaanaameersut. Tamatuma saniatigut aamma unnukut nipilersortartut Nuummiut qititsittipput, ingertoqarluni, quiasaarisooqarluni, inorroorutinik erinarsortoqarluni allatigullu tupaallannartoqarluni.

Isiginnaartut: 485

LGBT+, 8. - 9. maj

8. maj atoqatigiittarnermut atatillugu assigiinnginnerit matoqqasumik workshoppertitsinermit eqqarsartorneqarput. Tamatuma saniatigu aamma assigiinngiaarnerit siuarsarniarlugit suleriaasissanik pilersarusiortoqarluni. 9. maj Global Dignity Kalaallit Nunaat atoqatigiittarnermut atatillugu peqqinnissaq assigiinngiaarnerlu pillugit ammasumik oqallitsitsivoq, Katuaq, GUX Nuuk, Paarisa kiisalu Ili Ili suleqatigalugit.

Tusarnaartut: 110

Melodi Grand Prix 2019, 23. februar

Ukiu moortumik Danmarkimi Melodi Grand Prixmi unamminermit kalaallit arnat erinarsortartut pikkorinnerisaasa ilaat marluk, Julie Berthelsen aamma Nina Kreutzmann Jørgensen peqataapput. Hans Lyngep Inersuaani inuit nuannaarlutik toqqaannartumik isiginnaaqataapput, kalaallillu erinarsortartut qiimallutik tapersorsorlugit.

Isiginnaartut: 400

Takorluukkat, 21. juni

Nuummiut takorluugaat allagartarsuartigut allagartatigullu nittarsaanneri.

Assilialioortartoq Gudrun Hasle Nuummi ilinniartoqarfinni, Nuuk Centerimi kiisalu Katuami worshoppertitsisarpoq. Taakkunani peqataasut allagartarsuarni ilusilersuillutillu allagaqarput, namminneq takorluukkaminnut tunngasunik. Inuiattut Ullorsiornermi aamma ingerlaanermi allagartarsuit Nuummiut takorluugaannut tunngasut nittarsarpaat.

Peqataasut: 1000

Inuiattut Ullorsiorneq, 21. juni

Aaqqissuussaq aallarnerlugu eqqumiitsuliortup Gudrund Haslep Nuummiullu pilersitaat, Katuamiit sissiuukkamut Takorluukkat Nittarsarlugit Ingerlaartoqarpoq, tamatumalu kingorna borgmesteri Charlotte Ludvigsen tikilluaqqusilluni oqalugiartarluni kiisalu nipilersornermik ilinniarfimmeersut meerartaat erinarsorlutik tusarnaartitsillutik. Puisinniarnermi ajugaasut toqqarneqarput. Tamatuma kingorna Frederik Lange band kalattoortitsipput, AneMarie Ottosen akersuunnermik pinnguartsilluni kiisalu Pele Møller band tusarnaartitsillutik. Inngernermit qajartornermillu takutitsisoqarpoq, ullorlu naggaserlugu Qarsoq tusarnaartitsillutik.

Tusarnaartut: 2500

Nuuk Nordisk Kulturfestival, 7. – 13. oktober

Nuuk Nordisk Kulturfestivali NAPAmi kiisalu Kommuneqarfik Sermersuumiit aaqqissuunneqartoq Katuami ingerlanneqarpoq: Seminar, film, live painting/qalipaatsineq, GastroBus ingerlanneqarput kiisalu Pernille Rosendahl, Yggdrasil, Alexander Oscar, Pamyua aamma Nordisk Koncertkor tusarnaartitsillutik. (NNK2019 taakkunganga aaqqissuisuummat kisitsisit taassumunnga tunngasut naatsorsueqqissaarnermi ilanngunneqanngillat)

Tamatuma saniatigut festivalimut ilanngullugu Katuaq makkunanga aaqquussivoq:

Naalagaaffeqatigiinnerup sinnikuineersut (Heðin Ziska Davidsen (IS), Jesper Pedersen (FO), Miké Thomsen (GL)) Nuummi 8. oktober Islandip aallartitaqarfiani tusarnaartitsipput. Tusarnaartut: 30 (amerlanerusunut inissaqanngilaq)

Marie Hauge Jensenip (DK) eqqumiitsuliaa New Nordic Tiger 9. – 13. oktober Katuami takutinneqarpoq. Isiginnaariat: 150

Ikkamut tippiliaq Nuummi Takorluukkat saqqummersinneqarpoq, eqqumiitsuliortup Gudrun Haslep (DK) sanaava 7. oktober – 4. november Katuami saqqummersinneqarpoq.



## Workshops

### Takorluukkat Angallannerat, Workshops: 2. – 7. juni

Nuummiut takorluugaat allagartarsuarnut allallugit takusassiarineqarput.

Assilialiortartoq Gudrun Hasle arlaleriarluni Nuummi ilinniartoqarfinni assigiinngitsuni, Nuuk Centerimi kiisalu Katuami workshoppertitsisarpoq. Tassani peqataasut allagartarsualioqataapput, titartaallutik oqaasertalersuillutillu, namminneq takorluukkatik aallaavigalugit. Inuiattut Ullorsiornermi peqataasut tamarmik katersuupput allagartarsuillu Nuummiut takorluugaannut tunngasut nittarsaallugit angallallugit.

Workshoppertarni peqataasut: 100

Ingerlaarnermi peqataasut: 80



## **Atassuteqaqatigiinneq pillugu seminari**

Atassuteqaqatigiinneq pillugu seminari, 5. – 6. juni

Kulturisiornermik aqqissuussisartut ulluni marlunni seminareqarput, taakkunanilu nunatsinni illut kulturisiorfiit pingasut peqataatitaqarlutik kiisalu kommuninit assigiinngitsunit sulisunik peqataasoqarluni kiisalu Nunatsinni Isiginnaartitsisarfik Nunatsinnilu Biblioteki peqataatitaqarlutittaaq.

2020mi pilersaarutit isumasiillu seminarimi oqaluuserineqarput. Kulturisiornerup iluani ilisimasat pissutsillu misissorneqarnissaasa pisariaqartinneqarnerat suliniutissallu aamma eqqartorneqarput, minnerunngitsumillu inuiaqatigiit akornanni kulturikkut siuarsaanissaq pillugu pilersaarutit siumut tikkuussisut aamma suliarineqarlutik.

2018imi seminari taanna Katuami ingerlanneqarpoq, matumuunali Taserlimmi (Sisimiut) ingerlanneqarluni, aappaaguanilu Sermermiuni (Ilulissat) ingerlanneqarnissaa pilersaarutaalluni. Katuaq Taseralimmeersut peqatigalugit seminarimik ataqatigiissaarisuupput.

Peqataasut: 13



## Saqqummersitsinerit

2019ii Katuami 6inik saqqummersitsisoqarpoq, taakkunungnaluk takusaasut 370iullutik. Kisitsit taanna ammaanersiornermi takkuttut aallaavigalugit tagginenqarpoq, saqqummersitsinerup nalaani ullut tamaasa takusaasut kisinneqarsinnaanngimmata.

### Tikkili Pjettursson, 7. marts – 10. april

Tikkili Pjettursson titartaasartutut assilialortartutullu nammineq ilinniarnikuuvoq. Aasianni nipilersortartut Piitsukkut saqqummersitaata saqqaanik taanna titartaanikuuvoq kiisalu 1989imi pisortatigut dronningip tikeraarnerani Uummannaq Kommunep tunissutissaa titartarnikuullugu. Tamatuma saniatigut taanna Kalaallit Nunaanni inuit assilillugit titartaallaqqinnerit ilagai, namminersorlutik Oqartussat ataatsimiittarfiani nivingasut ilaat aamma titartarnikuullugit. Saqqummersitsineq Juaaka Lyberth ammaasuvoq kiisalu Pele aamma Glen Møller nipilersorluti ilanngutassiisarlutik.

Ammaanermi isiginnaariat: 40

### Foreningen Grønlandske Børn, 9. maj – 6. juni

Silarsuaq Kommuneqarfik Sermersuumut takkukkaangat – Katuami assinik saqqummersitsineq. Asiit saqqummersitat Foreningen Grønlandske Børnimut suliaapput, assiliisoralugit Ena Kurtagic Granulo kisialu Dagmara Wojtanowicz.

Imarisai: Aasaanerani tammaarsimaarfinni illoqarfimmi meeqqat katersuuttarput, namminnerlu kajumissutsiminnik suleqataasut nunarsuatsinni tamaneersut aamma katersuuffigisartagaannik. Nammineq kajumissutsiminnik suleqataasut nunarsuatsinni tamaneersuullutik ilaat Taiwanimiit Canadamiillu peqataapput. Kiisalu ilaat Grækenlandimeerlutillu ilaat Mexicomeerlutik. Taakkua sumiiffinni ingersimasut peqatigalugit timersornernik illoqarfimmilu meeqqat pinnguartinnerannik aqqisuuseqataapput.

Ammaanermut peqataasut: 30

### Eqqumiitsuliornermik Ilinniarfik, 14. – 24. juni

Eqqumiitsuliornermik ilinniarfimmi ilinniartut ilinniarnermik nalaani titartaaneq, akrylimik qalipaaneq, grafikkinik kiisalu tekniskimik naqitsinerit, mixed media kiisalu qiperuineq



ilinniartarpaat. Ukkiut tamaasa juunimi ilinniartut ilinniartuunertik naammassillugu soraarummeerutiminnik Katuami saqqumersitsisarput.

Ilinniartut sisamat Katuami saqqumersitsisut tassaapput: Mimi Josefsen, Paneeraq Grønvold, Bogdan Bredahl kiisalu Helene Kleinschmidt.

Ammaanermi isiginnaartut: 80

Maliinannguaq Marcussen-Mølgaard: Angutit Sapiitsut & Issittoq, 27 juni. – 30. august

Tobias Gabrielsenimut, Danmark-ekspeditionimut peqataasup, erngutaatut, Maliinannguaq Marcussen-Mølgaardip meeraanermiit Kalaallit Nunaanni ilisimasassarsiornerit alutoralugillu alapernaannikuuai. Tassalu alutorinninneq aallavigalugu qalipakkani "Angutit Sapiitsut kiisalu Issittoq" suliarinikuuai.

Ammaanermi isiginnaartut: 100

Qissiartagut, 12. september – 13. oktober

Sunnigiffiminni eqqumiitsuliortartut nakkutigineqartumik sannavinnik atuisartut peqatigalugit qissianik sissami kiisalu qisumernginik pinngortitami nassaaminnik eqqumiitsuliatik saqqumersippaat. Saqqumersitsinermi siunertaavoq, allat aamma qissianik atorluaallutik eqqumiitsuliortalernissaannut isumassarsititsiniarnissaq.

Ammaanermi isiginnaartut: 70

Tomas Bengtson, 7. november - 5. december

Saqqumersitsinermi oqaatsit makkua aallaaviupput: Kalaallisut, Sámi, Inuktitut kiisalu Ainu, nunasiaanerup kinguneranik naqisimaneqarnikuullutillu inerteqqutigineqarnikuusut, ilaatigullu tammangajavissimangaluarlutik.

Eqqumiitsuliortoq saqqumersitsisoq tassaavoq Tomas Bengtson, nammineq saamiusoq Sverigellu avannaani saamit nunaqarfianni Björkvattnet Tärnameersuulluni. Tomasip eqqumiitsuliai saamit kiisalu nunat inoqqaavineersut kulturiannik isumassarsiaapput.

Ammaanermi isiginnaartut: 50



## Filmertarfik

2019imi Katuamut filmeriarnissaq pilerigineqarluarpoq. Filmertarfik immikkoortumik A-tut filminik takutitseqqaartarfittut inissisimavoq, taamaammallu Katuaq filminik nutaanik takutitseqqaarfiusinnaalluni. Katuaq biomi atortut pitsanngorsarlugit digitalimik filmertitsisarfeqarpoq nipileriffeqarlunilu.

### 2019imi kisitsisit:

Filmit assigiinngitsut 186it 957eriarlutik takutinneqamata isiginnaariat 52.995iupput. Taakkunannga filmit 16it meeqqanut filmilianut klubbimi takutinneqarmata meeqqat 1070it isiginnaariarput.

### 2019imi filmi isiginnaariarneqarnerpaat 5it

|  |                         |
|--|-------------------------|
| 1. Avengers: Endgame                             | 2975it isiginnaarpaat   |
| 2. Løvernes konge org. + dansk tale              | 2670it isiginnaarpaat   |
| 3. Frost 2 Original version kiisalu qallunaatooq | 2247t isiginnaariarpaat |
| 4. Star Wars: The rise of Skywalker              | 2043t isiginnaariarpaat |
| 5. Joker   | 1729t isiginnaariarpaat |

### 2019imi ussatigineqarnerpaat:

#### Nuuk International Film Festival, 18. – 23. september

Ukiut tulleriit pingajussaannik Katuaq Nuuk International Film Festivalimik (NIFF2019) ingerlatsiviuvoq – taannalu filmiortarnermik, ingammik kalaallit issittormiullu suliaannik persuarsiorfiuvoq. Ullut sisamat ingerlaneranni filmit nutaat festivalimi takutinneqarput kiisalu naatsumik filmiliat piviusulersaarutillu amerlaqisut takutinneqarlutik, immikkut meeqqanut aqqissuisoqarluni, animationimut tunngasumik workshoppertoqarluni, filmit pillugit marloriarluni oqallittoqarluni kiisalu Award Show/nersornaasiineq ingerlanneqarluni. Karitas Production peqatigalugu festivali aqqissuunneqarpoq. Ruslandimiit, Frankrigemiit, Tysklandimiit, Danmarkimiit, Canadamiit, Nunavumiit Kalaallit Nunaanniillu festivalimut peqataasoqarpoq.

Isiginnaariat katillugit: 1707

Pilluarneq Ersigiunnaarpara

Filimi pisiusulersaarut Nivi Pedersenimit suliarineqartoq "Pilluarneq Ersigiunnaarpara" takuteqqaarneqarpoq, Inunnik Isumaginninnermut Naalakkersuisoqarfik suleqatigalugu. Immikkut susassalinnut taanna takutinneqarpoq kingornatigullu innuttaasunut akeqanngitsumik 7. november takutinneqarluni.

Qilusa

Kalaallit Nunaanni timersortartut kattuffiata aaqqissugaanik timip aalatinnissaa pillugu festivalertoqarpoq, taallugu Qilusa, taassumungalu atatillugu filmit sisamat timip aalatinnissaanut tunngasut 10. – 16. november takutinneqarput.

Japanimiut filmiliaat

Japanimiut Filmiliaat pillugit festivali 23. – 24. november, Københavni Japanimiut aallartitaqarfiat kiisalu japanimi Japan Foundation suleqatigalugit Anime filminik arfinilinnik takutitsiviuvoq.



## PR kiisalu eqqartorneqarnerit

### Tusagassiuutit

2019imi tusagassiuutitigut 65eriarluni eqqartuisoqarpoq:

- Pingasoriarluni radiokkut apeqqarissaarnerit
- 37riarluni aviisitigut naqitatigut ilanngutassiortoqarpoq
- Marloriarluni TVkkut ilanngutassiisoqarpoq
- 15eriarluni nittartakkatigut nutaarsiassiortoqarpoq
- Marloriarluni radiokkut aallakaatitsisoqarpoq
- Arfinileriarluniradiokkut naatsunik tusagassiisoqarpoq

### Nittartagaq

2019imi atuisunut 66.850inut nittartakkakut 481.928eriarluni alakkaasoqarpoq. Nittartakkami takutitsinerit 2,3 procentimi amerleriarlutik kiisalu 2018imut sanilliullugu atuisut 38,4 procentimik amerleriarlutik. Nalinginnaasumik atuisartut 30,5 procentiupput kiisalu 69,5 procentit 2019imi nutaajullutik.

### Facebook

Katuaq Facebookimi qupperneranut malinnaasut 2018ip naalernerani 155inik amerleriarsimapput, maannalu taakkua 12.004lerlutik, tassalu taakkua 1,4 procentimik amerliarput.

### Instagram

Katuaq Instagramimi quppernera 2019ip naalernerani 1.365init malinnaaffigineqarpoq, 2018ip naalernerani malinnaasut 1.019iunikuullutik, taamaalillutik taakkua 13,9 procentimik maerliarput.



## Café aamma ataatsimiisitsinerit

### Café:

Cafétuaq arlalitsugut Katuami pikialarnermut qitiuvoq, ullut tamaasa ullaap tungaaniit unnukumut ornigarneqartarluni. Ataatsimiinnerit assigiinngitsorpassuit ingerlanneqartarput, cafélu illumi pisunut allanut aamma ikorfartuutaalluni.

Katuami kulturikkut ingerlatanut aamma café aningaasaqarniarnikkut tapertaalluarpoq, taamaalilluni sulisut pikkorissut pitsaasumik atugassaqaqlutik aqqissuisinnaangorlugit.

Katuami takornariat kalaallit kulturiat takusaqarfigisarpaat nalugaqavissullu naapittarfigalugu. Aqqissuussat tassani malussarfigineqarsinnaasarput mamartunillu nerisoqarsinnaasarluni, kalaallit nerisassaataannik aallaavilinnik.

Ukioq 2019 cafémi allangortiterisoqangaatsiarpoq. Nutaanik neriveqalerlunilu issiaveqalerpoq, atuisunit iluarisimaarneqartumik. Sullissineq qaffassarniarlugu aamma nerrivinnik innimiiisoqarsinnaalerpoq, neriartortut nerrivimminnut nerisassanik imigassanillu sassaallerfigineqarsinnaangorlugit. Tamatuma saniatigut kiffartuussineq eqqumaffiginiarlugu ilinniartitsisoqartarpoq.

Akornusersuutaanngitsumik/mingutsitsinertaqanngitsumik suliaqarnissaq 2019imi eqqumaffigineqarnikuuvoq. Taamaammat atortut ataasiaannarlugit atortakkat assersuutigalugu ikinnerulerput kiisalu najugaqavissut naatitanik tunisassiortartut isumaqatigiissuteqarfigineqarlutik. Cafémi kalaalimerngit suli annertuumik toqqarneqarsinnaapput kiisalu aalisartut piniartullu najugaqavissut igaffimmiit pisiffigineqartarlutik.

### Ataatsimiisitsinerit:

|  |
|--|
| Katuami ininik attartuinerni 2019imi 14.376inik takkuttoqarpoq |
|--|

2019imi maajimi Katuaq HORESTAmiit kingumut ataatsimeersuarterfittut tallimanik ullorialittut nalileqqinneqarpoq.

Ataatsimiinnernut ataatsimeersuarnullu atortutigut pitsanngorsaasoqarnikuvoq, atuisut pitsaanerumik atugassaqtinniarlugit. Assersuutigalugu pitsaanernik atortoqalernikkut oqaatsit arlariit atorlugit aaqqissuussisoqarlunilu ataatsimeersuortoqarsinnaalerpoq kiisalu internetikkut toqqaannartumik ataatsimiittoqarsinnaanra periarfissaalerluni.

Katuamik atuisartut malinnaaffigilluarlugit atugassarititaasut eqqumaffigaagut. Taamaammat atuisut atueerernerminni qanoq misigisimanerlutik attartortitsisumut nalunaqqusisarneq 2019imi aallartinneqarpoq. Tamatumani siunertaavoq, ataatsimeersuarnerni ininillu attartornerni pitsannguuteqarsinnaanerisa eqqumaffiginissaat. Tamatumuuna ataatsimeersuaqataasut ingerlaavartumik isumasioqatigineqartarput, tamatumalu kinguneranik ataasiakkaat naatsorsuutigisaat tullissaanut iluarsineqarsinnaasarlutik.

Akissutit tigusagut eqqarsaatigalugit ataatsimut isigalugit ajunngittumik misigisaqarsimanerannik uterfigineqartarpugut. Aaqqissuussani annertuuni tamatigut attartuisut Katuamut sulisunullu immikkut qujassuteqarlutik allattarput.

**Ataatsimeersuarnerit annerit kiisalu 2019imi attartortitsinerit:**

- Naalackersuisut ilassinninnerat
- Timersornerup Ullua Kommuneqarfik Sermersuup aaqqissugaa
- Ilisimatusarfik
- Inuit Ataqatigiit Kattufiat
- Multi Kulti Kommuneqarfik Sermersuup aaqqissugaa
- Future Greenland Sulisitsisut aaqqissuussa
- N.I. Dimission/soraarummeertut
- Aalborgimut Ulloritit Kommuneqarfik Sermersuup aaqqissugaa
- NunaMed
- Kalaallit Nunaanni Nipitittakkap Aningaasaateqarfia
- Qilusa – timip aallatinnessaa pillugu festivali Timersortartut Kattuffiannit aaqqissuussa
- Unicef
- Greenland Perspective, Ilisimatusarfiup aaqqissuussaa
- Tele-Postip Julefrokosterner
- KNRip Juullimi pilluaqqusiner





## Katuaq I/S

### Ataatsimut isigalugu

Katuaq 1997imi ammarneqarpoq, Kalaallit Nunaanni Kulturip Illorsua I/S piginnittoralugu (Kommuneqarfik Sermersooq kiisalu Namminersorlutik Oqartussat piginnittuullutik). Piginnittut taakkua marluk aqutsisoqarfimmi peqataatitaqarput, ukiumullu arlaleriarlutik ataatsimiinnerminni illup aserfallatsaalineqarnissaa inerisarnissaalu pillugit aalajangeeqataasarlutik.

2019imi ingerlatsivik annertuumik isumasioqatigineqartarnikuuvoq, siunissami piginnittuunissaq kiisalu Katuaq-fondimi suleqateqarnissaq pillugit. 2018imili Katuaq I/Sip tungnavigineqarnissaa kiisalu piginnittoqataanermut uppernarsaatit kiisalu illumut atatillugu suleqatigiinnerit Kommuneqarfik Sermersuup misissugarinikuuai. Tamanna suliassanut sunut kikkut akisussaasuussanersut kiisalu naammassisaqarfiulluartumik illup suliarineqarnissaa pissuteqarpoq.

Aserfallatsaaliinissamut pilersaaruteqannginneq aamma sammineqarnikuuvoq. Pilersaarut taanna ukiorpassuarni nutarterneqarnikuunngitsoq maanna suliarineqareerpoq, pilersaarusiorterli aatsaat 2020mi aallatarneqarnikuulluni.

2020 ukioq pissanganartuuvoq, igaffik nutarterneqassammat kiisalu Katuaq iluatungaata nutarterneqarnissaa aamma aallatarneqarluni. Tamanna pisariaqalersimavoq, qujanartumillu tamakkua aallartinneqarmata.

### 2019imi aserfallatsaaliinissat ataatsimut isigalugit:

- Saaffiginnittarfiup isaariaata ussiinneratigut qalianiit kusertartoq mauneqarpoq.

- Putsumik malussaassutit ivertissorneqarput, isaariaqarfiit marluk tamarmik iluarsaannerannut atatillugu.
- Popcornmaskina iluarsanneqarpoq.
- Hans Lyngep inersuaanut matu iluarsanneqarpoq.
- Teknikkeqarfimmi kiisalu Tomi natit moreersineqarlutillu uuliaterneqarput.
- AVmut atortut ikkussorneri iluatsillugit, Byorkestersalimut matu asserneqarpoq.
- Bølgeloftsalimi seqersittaavimmik ikkussuisoqarnera iluatsillugu, skaavik ataaseq peerneqarpoq iigarlu iverteqqinneqarluni.
- Saaffiginnittarfimmi matumi maqittaat taarserneqarpoq.
- Cafép eqqaani isaarissami matup maqittaataa taarserneqarpoq.
- Silaannarissaat anoraatitalimmik motoori filmertarfiup eqqaaniittoq uneqqajaavoq. Taanna taarserneqarpoq.
- Ukiumoortumik inatsisit naapertorlugit ikuallattoqalernissaanut kalerrisaarutit misissorneqarput.
- Illup isuata tungaani ukiup ingerlanerani serminissimanera peerneqarpoq.
- Qaliani putsup aniaffii apummik sermimillu milissimasut ammarneqarput.
- Inesuaaqqamut matu sanimut ammartartoq nalerisarneqarpoq.
- Videot nakkutilliissutit nutaat ivertissorneqarput.
- Silaannarissaatit aasaaneranut naleqqussarneqarput.
- Imermut saliissutit taarserneqarput.
- Igaffimmi igalaaq taarserneqarpoq.
- Kallerup inneranik qamittoornermi paarlersuarmi silaannarissaatit unipput. Taakkua aallartinneqaqqillutik atorneqaleqqipput.
- Inersuaaqqami iikkap sanimut peqitertakkaq aqputaa savimineq iluarsanneqarpoq.
- Cafémi qerititsivik iluarsanneqarpoq.
- Perusersartarfimmi atortut taarserneqarput.
- Inersuaaqqami matu peqittartoq nalerisarneqarlunilu iluarsanneqarpoq.
- Cafémi igaffimmi kallerup inneranik pilersorneqarnera sakkortusineqarpoq.
- Ukiumoortumik inatsisit naapertorlugit kranit misissorneqarlutillu aqqissuunneqarput.
- Inersuaaqqamut matu peqittagaq iluarsanneqarpoq.
- Sungiusartarfimmut matup tigutsivia iluarsanneqarpoq.
- Kiassaait tamarmik Brøndumimit misissorneqarput.
- Silaannarissatit tamarmik "ukiumut naleqqussarneqarput". Tassa 5 gradenik kissariartinneqarlutik.
- Katuami matut tigutsiviilu tamarmik misissorneqarput.
- Katuami pinartoqartillugu qimaaffissani qulliit tamarmik misissorneqarlutillu iluarsanneqarput.

### **Silaannarissaatit**

2020mi pilersaarutit naapertorlugit Katuami silaannarissaatit annertujaamik nutarsarneqartussaapput. Silaannarissaatilli ilaat maanna ajoraluartumik naammaginangitsumik inerlapput, iluarsanneqarnissaallu nukingernarsilluni.

Aaqqissuussisartut immikkoortortaqarfiannut, byorkestersalimut kiisalu allaffeqarfinnut silaannarissaatit iluarsanneqartaraluarlutik, upernariartornerani taartissaaleqaineq pissutigalugu

suli iluarsineqanngillat. Maannakkut silaannarissaatit affaannarmik ingerlapput, taamaammallu taamaallaat silammut sammisumik aniatitsillutik, taamaammallu inini silaannaritsitsiniaaneq silaannarmillu taarseraasinnaaneq ajornarallaruni. Tamanna sulisunut ininilu pineqartuni ataatsimiittunut ippigusunnaqaaq. Maannaagallartoq silaannarissaatinik taarsersuinissamut InuPlan suliaqarpoq, silaannarissaatinillu CTS naapertorlugu aqunneqartussanik nutaanik ivertissuisoqassalluni.